



135277

无言釋書卷第十九

濟北沙門

師鍊

撰

賴雜十之四

靈恆六

海蓮

賴真

轉乘

慧增

海蓮

賴真

春命

明蓮

蓮尊

妙達

道命

源尊

常照

阿清

藏蒲

圓能

道乘

圓善

安珍

無空

講仙

度摠論

吾佛之化明冥俱濟大經曰戒緩乘急者處  
三途而見佛況轉報之餘胥陰夢之感激乎  
苟預化者米掇焉故繫願之六矣

○  
釋轉乘和州人住金峯山寺性多嗔勇猛勸  
勵持法華誦六卷七八兩卷不能通乃發奮  
激志讀二卷三萬過遂不記諸藏王菩薩九  
旬獻六時香花夜禮三千拜乞救助夏末夢  
夜叉形人以龍爲冠天衣瓔珞手執金剛杵  
足踏花告曰昔播州赤穗郡山驛屋梁上有一  
毒蛇長丈餘適一比丘宿驛舍蛇念曰我今  
飢渴欲吞比丘比丘不知洗手漱口誦法華  
其音和雅蛇聞之毒害心止通背側耳誦至

第六天明比丘乃發去蛇聞法力故轉畜爲人汝身是也持法華者宿薰故不誦七八皆不聞故汝性嗔猛者毒蛇之習氣再自今堅心即通二卷必得出纏乘寤感喜無量果得通誦嘉祥二年寂

○釋海蓮越之中州人持法華二十五品諷誦通利後三品不能誦勤力勵志久如不通乃上郡之立山及諸靈區難行苦行祈求誦憶夢一菩薩語曰汝前身爲蟋蟀在僧房壁其

比丘誦法華蟋蟀聽之普門品了僧房勞役身靠壁蟬遭壓死聞法力故轉得人身而讀法華不聞三品故不能誦覺後益勉漸通三品天德元年逝

釋慧增居醍醐寺持法華他經咒一字不讀而經主八軸皆能誦徹只方便品終偈中二字不能誦多年勵志誦二字終不通乃自思忖我誦一部皆能通利只此二字不能記況勤策已度歲乎恐是宿殃乃詣荊州長谷寺

祈誦二字過七日一眉眉僧出殿告曰汝前身播州賀茂郡人也前世亦讀法華一時寒冬向火讀經火星逆散燒經偈二字汝不書補而命終因是故雖誦經二字不通今彼地經尚在汝先父母亦現在汝速往播補經觀親夢覺二字明了又無忘失即赴播州宿丁家家主出見增曰何似吾亡子哉聞音曰聲又不異夫妻相列熟見增言來意父母悲喜相并乃出經函果二字燒穿增須戴惑漢書

補二字增前後二世父母四人慈孝和睦云釋賴真近州人年九歲至郡之金勝寺聞比丘讀法華便能憶持諷誦兼解文義真性靜默少語常動口齒而峭齶人或笑之真又自恥不能止即上睿山中堂期七晝夜訴誠曰我有何惡報作此牛啞願太鑒主明示前因至第六夜夢聞其音不見其形告真曰汝前身在近州緣智郡爲特牛郡人以妙法華經并供養具馱此半往伽藍依負經劫脫畜爲

入亦能誦習，習氣未盡，作洞哨耳。真夢後精進，剋責持誦益勤。年七十誦六萬部。

釋春命住睿山西塔院誦法華無他業足跡不入鄉里。專屏山中。一時曉更誦經，安坐如睡。如覺一天女現半身，其聲清雅。告曰：汝先身爲野干，在法華堂梁間，常聞人讀經主。依法力故轉得人身，前緣相牽，作此住侶。人身難遇，宜加策勵，速度苦海。言已形隱，命聞夙生。彌勤持誦六萬部，後不記數。臨終誦經而逝。

逝

○釋蓮尊作州人居，元興寺持法華二十七品，明了諷誦餘，勸發不能誦倍，加精進，讀此一品數萬遍，終不通大愧怍。乃對普賢像九旬精祈言，而曰：忘失句偈還令通利，菩薩豈欺我乎？苦修精勤盡一夏，至自恣夜夢天童告曰：普賢大士令我說汝宿因。汝先世爲雛狗母，狗適在持經者床下，臥雛狗來乳持經。法師誦經，王從序品迄嚴王品，雛狗得聞，至勸

發品母狗起去雛狗隨之由是不聞汝聞法力今得人身又誦法華不聽勸發故雖讀不能誦只固志力必得全誦寢後加專勤寂後一品又能通利

釋明蓮居法隆寺讀法華誦徹七卷第八之卷不能誦積歲月懇溫復終不記詣稻荷神祠祈求夙報過百日無感又往長谷寺金峯山各慰一夏讀經祈報而不得感蓮不屈登熊野山又祈百日神託夢曰我於此事力所

不及乞求住吉明神蓮返攝州寓住吉一百日神又夢曰我又不知祈伯耆木山神蓮便詣大山安堵精來夏蒲夢神告曰作州人登此山以糧負牛其人詣神祠牛繫僧旁旁中比丘夜誦法華牛聞之生慈善心至第七卷天色漸暗牛主早發是以其牛不聞第八卷彼牛者汝前身也聞法力故今得比丘形而持法華不誦第八者不聞之故自今勤策來生覩史夢寤感幸乃一心合掌白神言癡牛

聞法尚得入身何況人身如謬修行今聞因  
神覲難報生生世世誓持法華迴施羣有  
證菩提誓已辭神而去

贊曰或問曰蓮之祈報也初神不違次後半  
對曰不也夫宿障厚者得靈感之遲矣屢罄  
勞劬漸泯餘殃殃障已盡感應乃彰是我佛  
教報理之常也世人不知纔効小功怨神讐  
佛愚蠢之甚也蓮歷五六之寺祠累百十之  
歲時其志益固固可賈也而其閒稻荷長谷  
巧方也非不能焉

○  
釋妙達羽州田川郡人住龍華寺以誦法花  
爲業天曆九年無病手持經卷俄爾氣絕乃  
往閻王宮王見達下座作禮曰師非命盡而  
來我豈有啓耳我見師持妙法華內外清淨  
實爲澆季正法人我今爲師說日本國中衆

生所作諸業，師能憶持，還本土，勸善誠惡廣行。利生因而委說，因衆罪狀達經，七日蘇息，具語冥事，聞者信伏，修善遠惡。

○釋道命藤亞相道綱第一之男也。少登睿山，事慈慧誦法華無佗業而志專篤。初一歲誦一卷，八年終全部。蓋簡散心也。其聲微妙，卽舍律呂清濁輕重韻節和雅。衆人側耳，久聰不足。居城西法輪寺，常勤諷誦。一僧夢冠纓人充塞四傍，僧問誰人。答曰：金峯歲王熊野。

明神住吉松尾諸神也。其住吉明神者曰：日本國中諸持經人此道命師寂爲第一。我雖居遠境，每夜詣此聞諷音耳。松尾明神者曰：如是如是。卿言爾也。我居密邇晝夜來聽，僧覺聞之命適，誦壽量品，僧乃作禮說夢，又有寡婦病狂，託曰：所託者婦夫也。無心憤婦也。衆人且聞我言，我生平放逸無惡，不作當墮阿鼻。只有一善得輕報。我主人詣法輪寺時，我亦從之。道命師誦法華，其音清雅，我聞隨

她

喜因茲微善輕轉無間今得她身若重聞彼經脫她趣生善處衆人能將我就命師聞經法我無寄處且寓本婦汝等家人恤我哉家僕便舉婦人詣法輪寺聞命經靈又託曰善哉善哉婦能詣此得聞誦經既脫畜報當生天上婦人歸家病如洗命寂後有親友念而言命公誦經多歲不知生淨土否若生樂邦定知我心願於夢中審示生處如是念願兩三年夢大河側有蓮池四種寶花芬馥盛開

池中有誦經聲似命此人下車立池畔見命乘舟手把經卷而讀其音倍平時語曰我在世雖出家不慎三業多犯禁戒其管四天王寺犯用僧祇物如是衆罪不得淨土然依經王力不墮惡趣住此蓮池誦法華過三二年當生兜率夙契不忘思我可喜故來告耳夢覺感泣

釋源尊少年出家讀法華日課不怠未得誦壯年受病數日而死乃赴閻王宮冥眾數人

或冠冕縫披或甲冑戈鋌簡牒註記種種異  
狀側有聖僧手持錫丈執經篋謂闍王曰沙  
門源尊讀法華經歲序已久又可貴乃延高  
座開篋授經經法華也尊喜懼交合高聲披  
讀冥衆合掌傾聽經已僧曰汝還本土尊願  
僧乃觀世音也尊經一日夜而蘇其後全部  
誦徹臨終無少惱誦法華而逝

釋常照幼時戲自刻一比丘像稱地藏尊安  
古寺壇畔率羣童採花致供後入園城寺習

教供年及而立染疾不久而亡勇士二人捕  
照過黑山麓有木穴勇夫推照陷穴照上足  
下頭如石落而降其間疾風撲目痛不可言  
也照以兩手覆雙眸已墮在猪王廳顧眄四  
傍罪人無數其苦狀萬端時一沙門端嚴龍  
莊語照曰我是汝稚歲所造供者也自爾以  
來日夜護爾不暫捨也故今又來此救汝汝  
歸本土益加精修照蘇息後精勤無廢云

釋阿清姓百濟氏備之中州窪屋郡人性耐

苦行歷涉勝地，適塗時疾六日而亡。又經二日而蘇。語人曰：「我往曠野西北角，有門樓入中，宛如廳衙，庭上坐數千人，決罪狀見已毛豎。」時丁比丘持錫杖從兩美童子以文書向官使似有訟。曰：「此阿清苦修精勤，此度返本土便授牒。」官使曰：「是清之行業記也。乞詳見之。」官使等披牒曰：「實如記，宜放赦。又况師之言乎？」語已，敬比丘清問童子。此比丘爲誰？童曰：「地藏菩薩也。」清聞已，感敬交集，故得蘇生。

見聞無不嗟嘆矣

○釋藏蒲東大寺義藏之徒也。適值相者通照，照曰：「子雖精學，不至立年不如弃本業勤精修蒲，乃入山州並置窟。苦練如救頭然，兼詰旦必持地藏號。」年三十，患中風，經日而死。青衣之人驅逐而行，蒲語使者曰：「我生平歸地藏尊，今至於此，木土豈誕哉？」於時丁比丘忽然而來，儀狀端莊，須臾六沙門至，相次三十餘輩，行列羣集。於是乎冥使等曰：「比丘之言。

蘇

誠實也。故南方菩薩降臨耳。我等於比丘無分不如棄去言已。分散端莊沙門謂蒲曰。我是汝每朝稱念之者也。我護汝猶目精以故今來也。汝返闇浮益加策勵。滿已蘚息此間經一日夜。滿自此精修益深。年九十餘安祥而逝。

○釋圓能和州添上郡伏見鄉人也。年十八上信貴山習學。性暗鈍。不善教授。而志操絕至。常念彌陀。伏見有丁寺號弘文院。安丈六藥師像能期一百日。詣像日日三千拜誓曰。我願見真身。能自所居赴彼寺路過曠野。至九十六日。藥師真身現于野漸。大焰滿虛空。又阿彌陀真身三十尊。文殊菩薩同共顯現。能心身感喜。頭面禮拜。行年五十七。三月晦寢中。俄亡其徒以頓死。未殯喪相對。而護心胸又暖。歷二七日。猶不蘇。昇置野中。鳥獸不傷人。多怪之。至五月八日。蘇息初言語不詳。後三歲。語曰。我先年夢中。六比丘求呼我。我隨

卷之十七  
七  
釋圓能和州添上郡伏見鄉人也。年十八上信貴山習學。性暗鈍。不善教授。而志操絕至。常念彌陀。伏見有丁寺號弘文院。安丈六藥師像能期一百日。詣像日日三千拜誓曰。我願見真身。能自所居赴彼寺路過曠野。至九十六日。藥師真身現于野漸。大焰滿虛空。又阿彌陀真身三十尊。文殊菩薩同共顯現。能心身感喜。頭面禮拜。行年五十七。三月晦寢中。俄亡其徒以頓死。未殯喪相對。而護心胸又暖。歷二七日。猶不蘇。昇置野中。鳥獸不傷人。多怪之。至五月八日。蘇息初言語不詳。後三歲。語曰。我先年夢中。六比丘求呼我。我隨

六比丘昇空而去我問曰何變去答曰向燄  
王宮去我白比丘曰久唱彌陀欲生極樂今  
何用往燄宮從此辭比丘曰汝只先往閻所  
見有情業苦次須詣極樂未晚耳我猶不肯  
比丘曰然者先見淨土後見燄宮率我諾便  
進去到極樂東門世界光曜莊嚴殊妙比丘  
曰娑婆日月光猶耀煜況彌陀光明如百千  
日故有此賜耀進入門內見諸宮殿皆在水上  
我以為此界宮殿能建水上天工乎佛力

乎比丘曰非水琉璃地也我以手摸地果堅  
乎不濕我白比丘曰彌陀所在宮殿可得見  
乎比丘曰待問試丁比丘入殿須臾歸來將  
五比丘及我入中傍有佛像比丘曰是誓願  
寺彌陀如來也汝三年供養恭敬故今現此  
次見一殿七寶嚴飾琵琶箜篌歌唄妙音孔  
雀鸚鵡伽陵頻伽讚嘆佛德池中有木寶蓮  
花花臺有樓閣閣上有菩薩聖衆比丘曰是  
寂小蓮花下品下生也丁一見之念念恭敬

比丘曰汝還本土寫五部大乘典必可來此  
又問曰平居有此願乎我答曰無次往餞宮  
猶王問曰汝有五部大乘書寫誓記不我又  
答曰不記時比丘曰往年有人慶讚五部大  
乘經汝在其席心起感喜曰我安如是人慶  
是經汝記之乎我曰有之比丘曰所謂是也  
汝返本邦書寫五典必生安養次見地獄八  
寒小熱受苦罪狀殆不可言也已出獄所六  
比丘曰我六地藏也言已蘇生爾來勸諭四

衆書金字五部大乘經於金峯山慶讚安置  
仁平元年正月二十四日於洛城預告四部  
沐浴淨衣跏趺合掌而化異香薰然城中道  
俗走來供養過十二日葬舟岡山四衆調音  
樂送之道路闡呐結淨緣云

釋道乘睿山西塔寶幢院正笄之徒也後移  
法性寺自少年持法華晝夜無懈而性多嗔  
常以鹿語干諸友怒罵童僕恚息則叩頭悔  
謝或對佛像向大衆發露陳懺丁時夢出法

性寺上睿峯到柿下遙見山上自瑟微至嶽頂金樓銀閣嚴麗殊妙其中填置無量經典黃券朱軸金銀泥書乘見了坐希有心僕有老比丘問曰此經閣妙絕誰所造比丘曰是汝年來所讀也依此善力當生淨刹乘聞而悅忽有火起經樓盡灭乘問比丘因何火起比丘曰汝嗔時所持經功多遭燒焚若息恚持誦安養之生又無疑乘夢覺懼悔乃於佛前誓止嗔忿精懇持經而後取滅

○  
釋圓善居睿山東塔院誦法華適遊熊野肉  
背山卒其後有沙門壹睿行宿山中中夜聞  
誦法華其聲微妙睿以爲先亦有入窟一卷  
已禮拜懺悔又讀一卷每卷如是天明無人  
傍有骸骨支體全連青苔遍鎖似衣服想父  
經歲月觸體口中有舌如紅蓮睿見之感恠  
欲視所由次日不去入夜誦經如昨至曉睿  
起拜曰旣誦經必有心語願聽本事以傳靈  
感骨人答曰我是台嶺東塔院某也至此而

死生平起堅誓誦法華六萬部存日織半數  
而夭願力不拔住此尚誦經耳今已殆然居  
此不久去此當生兜率內院睿聞了禮骨人  
而去翌年又來不見苔骨

釋安珍居鞍馬寺與一比丘詣熊野山至牟  
婁郡宿村舍舍主寡婦也出兩三婢餽二比  
丘珍有姿兒中夜主婦潛至珍所通心緒初  
二比丘怪慰勞之密至此始覺珍曰我是縉  
服豈閨閣之徒乎寡居餘情溢于非類又可

來

恥也婦人大恨傍珍不離珍不得已軟諭曰  
我自遠地赴熊野宿志畜來父神甚嫌淫穢  
者固不可歸途必求婦主姑待之女喜而歸  
曉更珍早前路著神祠即便反經婦家而不  
入急奔過主婦數歸程儲供膳傍門伺路過  
期不至適一僧過主婦問曰二比丘某物色  
熊野及途有相見乎對曰如婦言二比丘我  
親見而其沙門去此恐二日前也耳婦聞大  
怨瞋乃入室不出經宿爲蛇長二十丈餘出宅

赴途奔馳而遇路人噪亡相語曰如此大蛇  
何爲取路人入相傳至珍所珍思文化急馳  
入一寺寺名道成告衆乞救衆胥議下大鐘

置一堂納珍鐘裏堅閉堂戶已而大蛇入寺  
血自燄口甚可怖畏衆僧走散蛇赴堂戶不  
關便以尾擊戶聲如鐵石戶漸碎蛇入堂應  
時四戶皆開蛇乃蟠圍鐘舉尾敲鐘火燄迸  
散寺衆集看無爭奈何移時蛇去寺衆倒鐘  
見中不見珍又無骨只灰塵而已其鐘尚熱

不可觸也數夕一晝宿夢二蛇來前一蛇曰

我是前日鐘中比丘也一蛇婦也我爲淫婦  
害已爲其夫惡趣苦報不易救脫而我先身  
持妙法華未久遭此惡事微緣不虛尚爲拯  
因願爲我寫壽量品我等二蛇定出苦道我  
等來寺願垂哀愍覺後大憐乃書壽量品又  
捨衣資修無遮會薦二蛇其夜晝宿又夢一  
僧丁女合掌告曰我等因師慈惠僧生兜率  
女生忉利語已上天

○

釋無空姓橘氏居東大寺學密教又修念佛少資產晚年自謂我甚窶亡後煩遺弟不如私畜以供喪事貯萬錢置梁間人不知也延

喜二十一年空病六月死言不及錢右僕射藤仲平與空善夢空弊衣垢面形甚枯槁告曰我以伏貨受蛇身願公取其錢寫法華必脫苦趣藤公覺而感慨自往空坊探得梁錢錢中果有小蛇見人逃去藤公乃令比丘書法華營追薦其夜夢空衣服鮮潔顏色悅澤

手執香爐語曰我以僕射親薦早出蛇趣今  
詣安養語已西飛

○  
釋講仙洛東六波羅密寺之徒也父讀法華兼修懺焉萬壽中取滅其後不幾靈託寺衆曰我是定講師講仙也平居經業當生極樂而因小緣受蛇身我平時庭中殖橘樹枝葉漸茂開花結果我甚愛翫又衆所知雖非重罪愛念纏縛報墮蛇趣見今醜形住橘下爲我寫妙法華必得果濟寺衆聞之皆趙橘所

果有蛇纏繞其根長三尺許合寺憐之作所告事其夜寺僧夢講仙威儀庠序面有喜氣拜大衆曰我依衆友哀愍力經王威神力脫蛇形生淨土明朝橘根蛇已蛻

贊曰愛纏之業亦甚矣哉仙之養橘猶受蛇質況貨財乎又況色欲乎三子尚以經業託夢寐又况不有此乎慎之哉慎之哉

### 度摺論

萬法森列智在其中矣因而分之度在其中

矣慧禪相推變在其中矣繫傳焉而位在其中矣夫度者何爲者也開道成務冒萬生之化如斯而已昔者聖人之立度也彌縫聖凡而生教六分四折而備數觀變於智立修是故度之爲道也廣大悉備有佛道焉有法道焉有僧道焉兼三寶而十之十者非佗也三寶之道也道有解脫故曰度度有多種故十之十而度者所以廣包也故心無體而覺無方一性一相之謂道繼之者智也成之者善

也空者見之謂之空，有者見之謂之有，羣生  
日用而不知故佛之道鮮矣。是故將以順性  
相之理是以立佛之道。曰禪進忍戒檀夫度其至  
曰力慧立僧之道。曰禪進忍戒檀夫度其至  
矣乎夫聖人所以明道而廣業也是故學者  
所居而安者度之序也。所樂而玩者度之理  
也。所覆而行者度之事也。古者能仁氏之王  
法界也。上利四聖下濟六凡。內取性外取相  
範圍萬法。覆庇兆類。以修以證。蓋取諸智能。

仁氏沒。四依氏作述。經爲論。釋論爲疏。疏論  
之訓以教天下。蓋取諸慧。上古四八而修安  
般而觀。後世聖人易之。以直指。蓋取諸淨禪。  
動天震地。使神役鬼。以利天下。蓋取諸進感。  
剝皮寫經。斬骨刻像。燒身捨命。以濟天下。蓋  
取諸忍。四六爲重。六八爲輕。五篇七聚能辨  
開遮。蓋取諸戒。上古塚宿樹呂。後世聖人易  
之以寺廬。蓋取諸檀興出處無常任道而行  
不拘形役。以衲以纓。蓋取諸方鷹鴻險蹈遠。

不撓素得殊方異域以隣以里蓋取諸力游  
王公而行幽明而化被于萬物各得其所蓋  
取諸願雜夫道有大覺是生二法二法生十  
度十度生萬行萬行定理事理事備而復大  
道是故證悟莫大乎法修學莫大乎度利濟  
莫大乎行事理功成復乎大道莫大乎聖人  
聖人有以見天下之賾而繫其物宜是故謂  
之智夫智者聖人之所以極深而研幾也唯  
深也故通天下之志唯幾也故成天下之務

聖人之道見乎智聖人之智見乎傳智其道  
之緼乎傳智成而道來矣傳智廢則無以見  
道道不可見則智幾乎息傳智之興也其於  
中古乎昔者瞿曇氏沒結集作三藏之典有  
小大二十部之衆分內外空有性相蔓衍五天  
矣結集後一千歲震旦地明王起焉感夢寐  
之瑞馳聘求之使摩騰竺蘭之階聖位也喜  
聲教東漸之機至矣躡葱嶺之阻峻涉沙河  
之艱險默經像於白馬諭教失於蒼生是傳

智之所<sup>リ</sup>與也後二百年士行跋大方之足  
法顯縱聖蹤之目玄奘道北狄而入義淨泛  
南溟而達結集之陳迹譯布乎支那四海百  
世啟<sup>スル</sup>風規者也我之國極東海隅梵壤不  
接是以譯事缺矣雖缺譯事而智之傳者無  
異距漢明而殆半千吾國又明王起焉海藩  
之帥貢獻也是真教之始被也吾道者夫於  
明乎奚兩土二名之相比也達磨無畏之游  
斯地也豈傳智之幾乎灌真踵<sup>スル</sup>藤蘭之跡昭

訓趁行顯之躅亦是此方之所以從事於此  
也爾來諸子恐後驅遂沿視溟渤床居舟舶  
觀明師而稟勝法矣勤劬至而利濟博矣弊  
淨之行焯焯可見矣其德大而其功遠者乎  
夫度之爲道也原始要終以爲質也上下無  
常變動周流不爲典要唯變所適十度相交  
盤紆綺互而知者觀其智章則思過半矣夫  
知解脫之道者其知度之爲乎度有聖人之  
道三焉以忘者尚其慧以定者尚其禪以禁

者尚其列。是聖人之道六焉以行者尚其進以違者尚其忍以順者尚其檀餘三如上十度之興也其於衍乎立度者其有畜乎是故智道之決也慧道之辨也禪道之正也進道之異也忍道之任也戒道之制也檀道之利也方道之巧也力道之強也願道之敢也是以智明慧采禪專一也進行而不止忍不悔戒固檀功而不居方入諸趣力有所遂願混而不失一與二體同名異而位有差八興

九十位差而德不羌然有次序者理之順矣有佛然後教生焉其教明白故受之以智智者知也物之有知也必有分別故受之以慧物之別也必忙不可以不靜故受之以禪靜至即止故受之以進物進遇險則屈故受之以忍忍久而心荒故受之以戒戒約而少恩故受之以檀檀欲巧便故受之以方方多而緩故受之以力力強入物者洽故受之以願而終焉

元亨釋書卷第十九

元亨釋書卷第二十

濟北沙門 師鍊 撰

資治表一

起欽明至皇  
極合七君

昔者仲尼之作春秋也編年月而繫之焉豈子長之變聖製而立傳焉後之修史者皆則遷焉蓋編年者繫于時也立傳者繫于類也繫類之者下愚猶便之看讀矣繫時之者中才或病諸紛糾矣是所以史經之有變也初

予修此書，啟則春秋，只恐中下之或病諸其不得已耳矣。然其胸懷猶介然于此也。竊見皇朝之德化，且託佛乘之翼佐也。故予撫其繫吾之實事，以寓素蘊而作資治表，既而授二十三子有効。凡例於左。高赤者今并而錄焉。

欽明皇帝

元年春正月夏四月秋七月己丑遷都和州  
磯城。冬十月

元年庚申正月不書即位去歲十二月壬辰

捨懶宮也。帝繼體第三子初帝讓山田皇  
后。后謝曰：蒙恩至渥，溟嶽難比。而萬機之  
務，婦女焉預？况皇子仁聖明敏，乎羣臣又  
請勤，故不得已也。七月十四日，和之山邊  
磯城嶠造宮于金刺故曰磯城嶠金刺宮。  
是歲當蕭梁武帝大同六年。

二年 三年

四年 五年

六年 七年

八年

九年

十年

十有一年

十有二年

十有三年春夏秋冬十月百濟國主使大夫  
西部姬氏貢釋迦佛銅像及經論幡蓋大殿  
灾

十三年十月十三百濟國聖明王使西部  
姬氏達率怒利斯致貢獻釋迦銅像經論  
幡蓋若干品上表曰是法於諸法中最爲

殊勝難解難入周公孔子尚不能知也是  
法能生無量無邊福德果報乃至成辦無  
上菩提譬如人懷隨意寶所須依情是法  
寶復然祈願依意無所乏缺且夫遠自天  
竺後洎三韓順教奉持無不尊敬由斯百  
濟王臣明謹遣倍臣怒利斯致奉傳帝國  
流通寰宇又佛之所記我法東流聖識不  
徒天皇知之帝大悅詔使者曰朕從昔以  
來未曾聞如是微妙之法然朕不自決姑

待議焉乃歷問羣臣曰西蕃獻佛其貌偉  
麗不知可拜不大臣蘇稻目奏對曰海藩  
諸國一皆禮奉豐秋日本豈獨否乎况百  
濟王世承皇化若貢妖神曷爲忠藩願陛  
下勿慮也太連物尾興中臣鎌子等言我  
國家之治天下也恒以天地社稷一百八  
十神春夏秋冬祭拜有典方今改拜蕃神  
恐致國神之怒帝曰卿等言爾也然聖明  
之貢不可舍也誰奉斯神者稻目誓首請

之帝賜像蘇氏稻目安小墾田家又捨向  
原宅爲寺奉像此冬疫尾興鎌子同奏曰  
國有災孽妖神之爲不用臣言已罹癟  
願行弃撤祈受後福帝依奏有司投像于  
難波堀五火伽藍于時天無雲雨天火焚  
大殿初仲哀皇帝八年神託皇后征新羅  
國帝疑而不發九年春二月帝俄爾崩於  
是乎皇后神功懼帝不用神言而崩冬十  
月浮海到于新羅新羅王見我旌旗器仗

之莊麗曰傳聞東海有神國名曰日本恐  
是其神兵乎不可敵也乃素服面縛自持  
圖籍來于海懦曰願每歲貢金銀縑帛八  
十船不敢劍也此時高麗百濟二國主聞  
新羅降於我密伺軍勢知其不克又自急  
馳納款曰從今以後求稱西藩不絕朝貢  
自茲三韓皆貢于我當東漢獻帝建安五  
年也十月曷爲不日史失也

十有四年春夏五月得異材刻佛像秋冬

十四年五月朔內州奏泉郡茅渟海有奇  
聲光其響如雷其耀若日帝敕溝邊直赴  
海物色見樟木浮海光彩煜如也取而獻  
帝命工刻佛像二軀今見在吉野寺俗曰  
放光像

十有五年春二月百濟國貢沙門曇慧道深

夏秋冬

十五年二月慧深二十比丘應百濟貢來初  
十四年六月帝敕百濟召易曆鑒三博士

至是貢三博士及三書二比丘附獻焉

十有六年 十有七年

十有八年 十有九年

二十年 二十有一年

二十有二年 二十有三年

二十有四年 二十有五年

二十有六年 二十有七年

二十有八年 二十有九年

三十年

蘇

三十有一年春三月甲申僕射蘇縚目薨夏  
秋冬建宇佐神祠于豐前州

三十一年三月蘇公薨書官貴也是歲豐  
前州宇佐郡廐岑菱瀉池畔民家兒甫三  
歲託曰我是第十六主譽田天皇廣幡八  
幡也我名護國靈驗威身神大自在王菩  
薩諸州諸所垂跡於神明今顯坐此地耳

因之敕建祠

三十有二年春夏四月天皇崩謚欽明秋冬

三十二年四月之崩曷爲不日史失之也

敏達皇帝

元年春正月夏四月甲戌天皇即位秋七月  
冬十月

元年壬辰四月初三帝即位于百濟大井  
宮帝欽明第二子是歲當陳陳孝宣大建  
四年也

二年春正月廄戶皇子生夏秋冬

二年正月朔王夫人娛遊至廄閑俄而產

焉以誕近廄戶字其兒焉王夫人何用明  
之后也曷爲不書后茲時諸王也

三年 四年

五年

六年春夏秋冬十有一月百濟國貢佛經論  
及禪師律師比丘尼及兜禁師佛工寺匠

六年十月遣百濟使大別王自百濟歸百  
濟王附貢經論及禪師等六人館難波大  
別寺書二及羌降也

七年春夏秋冬天下放生月六日

七年每月六齋日放生因豐聰王子奏也  
八年春夏秋冬十月新羅國使枳叱政貢釋迦佛像

八年十月新羅國貢釋迦像上宮王子奏  
曰此像甚靈崇之則銷災受福蔑之則招  
菑縮壽帝聞之敬崇供養今見在興福寺  
東金堂

九年十年

十有一年

十有二年春夏秋冬百濟日羅說偈拜豐聰  
王子

十二年百濟日羅來初日羅名于國帝遣  
紀押勝召羅押勝自百濟歸奏曰百濟王  
愛羅於是乎復使吉備羽嶋召羅于王王  
懼以羅從羽嶋來王子偷眼於羅羅指王  
子曰神人也具在太子事中

十有三年春夏秋冬九月僕射蘇公營殿于石

川宅冬十月度三尼

十三年九月百濟使麻深臣持彌勒石像而來又佐伯連有佛像蘇馬子於石川宅搆殿安一像寢馬子之克承先子營佛事故書官不名十月馬子令高麗惠便度善信禪藏慧善三尼於石宅精舍供給一日設大齋會善信之父司馬達等豫焉於齋饌上得佛舍利獻馬子其舍利神異不測馬子益厚淨信

十有四年春二月僕射蘇公起塔于大野丘三月停佛法夏六月許蘇公奉佛秋八月己亥天皇崩聖壽二十有四謚敏達冬

十四年二月十五蘇馬子立塔大野丘比以去歲所感舍利安塔柱因設大齋會三月大疫物守屋中勝海奏曰癘災流行專由蘇氏佞佛也殿監不遠力先朝可占因此停佛法曷爲不言廢而晝停假寶之謂也曷爲假當時之志也於是乎耳王子曰

痛哉二子之昧也佛法說因果亦猶積善  
慶殃之餘矣二子殆不免焉二十八守室  
自往大野縱火燒塔殿收燼餘佛像弃難  
波掘江是日又無雲雨又錮三尼于海石  
橋市亭于時帝患瘡及守屋天下殆徧死  
者相枕其患者皆言如焚如撻人人咸曰  
焚寺像打淨尼之報也六月馬子奏曰比  
來禁佛事以故臣疾未愈非三寶力殆不  
起願許復敕曰獨許卿餘不可乃以三尼

賜馬子馬子大悅營精舍供三尼帝疾彌  
留不恙八月十五崩書聖筭見崇也

用明皇帝

元年春正月夏四月秋七月冬十月

元年丙午正月不書即位去歲九月于雙  
槐宮也帝欽明第四子是歲當揚隋文帝  
開皇六年也

二年春夏四月豐國法師入宮癸丑天皇崩  
謚用明鞍部多須奈建坂田寺秩七月誅守

屋冬建四天王寺

二年四月帝不豫語侍臣曰朕思歸三寶  
卿等議之守屋勝海共言何背國神奉異  
域神先皇以來未之有也蘇馬子曰已承  
睿旨何異謀之有於是乎皇弟穴穗王子  
召豐國法師入內八耳王子握蘇子手曰  
三寶之與庸人不委奸黨交進抑蔽聖明  
卿不屈邪誣可謂忠直矣蘇子叩頭曰賴  
殿下之明德耳守屋睨蘇子而怒王子語

左右曰大連不知因果其敗可跋而待矣  
豊國中選曷爲不族氏疑則傳疑春秋之  
法也曷爲疑或曰豊國所名旦從古史也  
帝疾篤鞍部多須那奏曰臣乞爲陛下弔  
家修道帝嘉之初九帝崩乃建坂田寺命  
百濟佛工刻丈六佛像安之六月百濟使  
來善信尼謂馬子曰夫出家者以戒爲本  
此方戒學粗矣願如百濟受戒法七月蘇  
馬子誘諸王子謀守屋初守屋欲立皇弟

斬

穴穂王子而咀帝以故帝夭也又謀誅諸  
王子成穴穂事事發泊瀨王子廐戶皇子  
及馬子羣臣帥師到澁河守屋拒之其兵  
甚銳官師三却廐戶皇子乃斬白膠木刻  
四天王像置頂髮中誓曰官軍得勝當作  
護世四王寺馬子又誓營寺宇興三寶於  
是乎廐戶舍人赤擣放矢曰是四天之箭  
便貫守屋胸而死物氏殲焉冬攝州玉造  
岸上建四天王寺分守屋田貨爲二一納  
苟我之寇書之無咎

崇峻皇帝

○  
元年春三月百濟國使思率首信貢佛舍利  
及沙門慧聰夏四月求法比丘尼善信赴百  
濟秋七月冬十月蘇公建法興寺  
元年戊申正月不書即位去歲八月于倉

橋宮也帝欽明第十一子三月百濟貢佛  
舍利及沙門并畫工瓦工表略曰陛下踐  
祚肇興佛道漢帝東流之夢法王西來之  
猷於今信矣伏請陛下照佛日於若木之  
國覆慈雲於扶桑之邑夏善信尼如百濟  
遠游非尼女事書以求法簡貴之也十月  
蘇馬子營法興寺酬澁河役誓也是歲當  
開皇八年也

二年

三年春三月求法比丘尼善信至自百濟夏  
秋冬鞞部氏蘿髮度三十尼

三年三月善信尼自百濟歸止櫻井寺是  
年鞞部多須柰出家名德齊同落髮者善  
聰等八人得度者多曷爲書鞍氏履蹈言  
也三尼者善德善妙妙光也曷爲畫三十尼  
貴婦人也

四年

五年春夏秋冬十有一月乙巳馬子弑天皇

謚崇峻

五年二月帝語上宮皇子曰蘇馬子外雖崇佛內甚詐謫其侈縱矯虎卿以爲若之何對曰蘇氏實可謂奢侈然陛下願以忍恕覆億兆焉帝性剛狷雖納上宮言內猶含之十月或獻山猪上宮侍焉帝指猪頑上宮曰安得如斬猪頸切佞臣頭上宮私謂禍始於此乃設內宴饗羣臣上宮語羣臣曰陛下之言公等勿洩也時有黨蘇氏

者告馬子馬子募勇士漢直駒弑帝十月初三駒入天座馬子賜駒不訾往來家門出入不問駒詫功不慎通馬子女馬子怒縛駒庭樹親射殺向書馬子皆姓不名此何名不姓弑君也

推古皇帝

元年春正月起法興寺塔夏四月己卯立太子秋七月冬十月移四天王寺

元年癸丑正月不書即位去歲十二月壬午

豐浦宮也。帝欽明中女敏達之后崇峻遭  
弑。群臣謀立正月初十冊廄戶皇子爲太子。  
詔曰朕婦人也不解政事萬機之務皆委  
太子。百僚悅焉。今茲移四天王寺難波荒  
陵是歲當開皇十三年也。

二年春二月詔皇太子興三寶夏秋冬

二年二月敕太子溥弘三寶群臣攝佛宇  
三年春夏四月得異材刻觀自在像五月高

麗沙門慧慈來秋冬百濟沙門慧聰來

三年春南海之濱有浮查夜放光聲如雷  
四月著淡州南涯大一圍長八尺治海之  
民取爲薪其煙遠薰以獻于朝太子奏曰  
是沈水香木也產南天竺南海之崖其實  
雞舌其花丁子其脂薰陸入水久者爲沈  
水不久爲淺香陸下興佛乘造佛像天神  
感之漂送耳帝悅敕百濟工刻觀音像安  
吉野比蘇寺時時放光五月慧慈來太子

師之

四年春夏秋冬十有一月慶法興寺居沙門慧慈慧聰置寺司

四年十一月法興寺成今之元興寺也敕設無遮會慶之于時紫雲如花蓋降覆塔及殿變爲五色作龍鳳形太子語左右曰天感新寺故有祥雲敕慈聰二師居寺以善德臣爲寺司

五年春夏四月百濟王子說偈拜太子秋冬

五年四月百濟王子阿佐來朝見太子作禮曰敬禮大悲觀音菩薩妙教流通東方日本四十九歲傳燈演說太子眉閒放白光阿佐拜而出阿佐曷爲不名貴也曷爲貴之聖人也何以知預言太子歲也

六年

七年

八年

九年

十年春夏秋冬十月百濟沙門觀勒來高麗沙門僧隆雲聰來

十年十月百濟高麗沙門等來曷爲有二  
來異月也曷爲不書月閏也曷爲不書閏  
春秋之法也書二來見閏也

十有一年春夏秋冬十月轉安宅經于小墾

田宮

十一年十月初四帝遷小墾田宮太子命  
諸沙門講安宅經十一月太子語侍臣曰  
我有一像誰能安之秦州勝進曰臣願得  
之乃建蜂巖寺安像像阿逸多今之廣隆

寺也

十有二年春夏四月太子製憲章秋冬

十二年四月太子作憲令十七條其第一  
曰雋信三寶三寶者佛法僧也四生之終  
歸萬化之極宗何世何國不嚮是法人鮮  
尤惡能教乃化不歸三寶何以直枉

十有三年春夏四月詔太子及羣臣造銅繡  
二像秋冬

十三年夏帝勑太子羣僚鑄丈六釋迦及

二菩薩像用銅二萬三千二百斤黃金八  
百兩高麗王太興聞之貢黃金

十有四年春夏四月慶銅繡二十像置二孟齊  
五月賜鞍作鳥于大仁位秋七月詔太子講  
勝鬘經冬十月講法華經

十四年四月銅繡像成安元興寺設大齋  
會此夕五色雲覆佛殿銅像放光內外咸  
明帝大悅每歲四月八七月望設齋會立  
爲式二孟何孟夏孟秋也五月勑曰嗟爾

鞍作鳥先皇歸佛乘求舍利汝祖司馬達  
等便獻舍利用明帝不豫汝父多須那奏  
出家祈福又汝姨鳴出家爲本朝之愛道  
今朕欲鑄佛像不得善模汝之所獻以爲  
範模像已成殿戶窄梓匠將隨戶汝善巧  
思畫不壞戶而像得入夫累世善忠一時  
巧功朕不得而稱無地讎德唯枉微爵署  
大仁位今之平位兼以近州坂田郡二百畝益  
食邑鳥以此田稅作金剛寺今之南淵坂

田尼寺也七月太子對御講勝鬘經太子  
曰吾昔爲勝鬘夫人時釋迦世尊說此經  
故吾能講此經講已天雨蓮花大三尺乃  
製義疏傳世十月敕於嵒本宮講妙法蓮  
華經觀播州田一千畝太子納于班鳩寺  
十有五年春夏秋七月太子遣野妹子于隋

國冬

十五年七月野妹子入隋以三法衣施衡  
山三僧事見太子傳中

十有六年春夏四月野妹子將隋使而歸秋  
八月隋使入都九月太子屏夢殿冬

十六年八月詔迎隋使裴清于海石榴市  
街太子微行見之清指太子之所曰彼有  
真人氣下馬而過九月太子入夢殿閉戶  
一七日夜出告慧慈曰我定中往隋國執  
經來也乃示慈慈大奇之

十有七年春夏五月館百濟沙門道欣慧彌  
于元興寺秋九月野妹子將隋使而歸冬

十七年四月百濟國遣使於吳國其船漂流著肥後之葦北津太宰府奏五月送舟人于本國于時沙門欣彌等十人觀國之光上表請留敕止元興寺九月隋使奏曰去歲秋皇太子駕青龍車侍從五百取南嶽舊房經沖空而去

十有八年春三月高麗貢微定沙門曇微法定夏秋冬

十八年三月高麗貢微定二比丘微多才

藝明儒五經善丹青造碾盤

十有九年

二十年春夏秋冬爲須彌山于南庭

二十年異人自百濟來其面及身斑白羣臣忌其奇體將棄海島班人曰若忌臣者斑駁牛馬不可備御亦臣有小伎能作山岳之形容臣而用不爲無利於是乎敕造須彌山于南庭

二十有一年春夏秋冬十有二月庚午太子

逢菩提達磨

二十一年十二月朔太子遊片崗見餓人  
其人頭大面長目纖耳長眼有金光與太子語久太子與食服太子歸宮餓者殂太子親葬數日使使開墓不見屍衣在棺上  
二十有二年春夏秋冬八月度一千人太子授戒于蘇公冬

二十二年八月蘇馬子疾救度比丘比丘尼一千人祈病也馬子疾革太子使其剃

髮自授具戒

二十有二年春夏秋冬十有一月沙門慧慈  
歸高麗

二十三年

二十有四年春夏五月太子建伽藍秋七月  
新羅國貢黃金佛像冬

二十四年夏帝不豫五月太子營精舍祈  
之帝疾愈百僚多建寺塔七月新羅王貢  
金像長二十尺安蜂峯寺像時時放光

二十有五年春夏秋冬建伽藍于熊凝村  
二十五年太子入定見皇運出奏曰後代  
皇祚多災害非佛力不可救願建一精舍  
護皇基帝隨奏攝于熊凝村今之大安寺  
也

二十有六年二十有七年

二十有八年

十二有九年春二月癸巳皇太子豐聰薨于  
斑鳩宮夏秋冬

二十九年春太子病帝慰問曰有所思乎  
太子對以熊凝之侈新二月五日太子薨  
天下萬民如喪考妣太子厚我亦位尊何  
書薨以名以名書死春秋之法也

三十年

三十有一年春夏秋冬七月新羅國使奈未智  
洗爾貢佛像舍利塔幡沙門惠齊慧先至自

唐冬

三十一年七月新羅王遣大使柰未智洗

爾貢佛像舍利金塔灌頂幡大小十二旒  
敕安像萬野秦寺納舍利塔灌頂幡四天  
王寺是時濟先二比丘及鑒慧日福因從  
智洗僧行歸慧日奏曰唐學沙門等學業  
已成早敕召之

三十有二年春夏四月戊午置僧正僧都及  
法頭壬戌釋觀勒爲僧正德積僧都秋九月  
校寺冬

三十二年四月初三一比丘熟斧歐祖父

而死巷間嗟呼而曰太子猶在豈有此逆  
乎帝聞之召群臣謂曰夫出家者歸三寶  
具戒法何無慚慎輕作惡逆乃詔諸寺索  
惡比丘於是乎僧尼多逢疑逮有司將并  
坐百濟沙門觀勒上表曰佛法自西印至  
東漢經三百歲傳之百濟已一百年矣吾  
百濟先主聞日本天皇睿聖敏明而貢上  
佛僧及經論今猶未滿八十載以故僧尼  
未習法律之者有矣是以大逆之生也

今其首醜我門亦不得容其餘僧尼豈可  
例刑哉願質憲章流之仁澤制可十三詔  
曰夫道人尚犯法何以誨俗乎自今以往  
應置僧正僧都檢校僧尼十七觀勒任僧  
正兼法務德積僧都又置寺司曰法頭阿  
曇連任法頭不書微也君子曰興者衰之  
初與僧官者道之弊與昔羅什入關僧尼  
磨至秦主姚興患其濫汙不軌始置僧正  
而整之僧磬當其任也什之入秦者吾法

之興也而弊始於此焉推古之世者吾法  
之興而亦衰之始與蓋夫不得已乎何地  
異而事不異也雖貪嗔之不同所以弊之  
始者一也歲寒知松柏瞻彼磬勒者松耶  
柏耶九月校城寺寺四十六所比丘八百  
十六貞尼五百六十九貞

三十有三年春正月高麗國貢沙門慧灌夏  
釋慧灌擢僧正秋冬沙門福亮爲僧正

三十三年夏旱詔慧灌法雲甘雨大注帝

○ 懈任僧正擢與爲何異爲常也擢非常也  
此歲福亮爲僧正古史失時日也

三十有四年 三十有五年

三十有六年春三月癸丑天皇崩謚推古

三十六年三月之崩初七也

舒明皇帝

元年春正月丙午天皇即位夏四月秋七月  
冬十月

元年己丑正月初四帝即位帝敏達之孫

彦人王子第二子是歲當李唐太宗貞觀

三年也

二年春夏秋冬十月癸卯遷于岡本宮

二年十月之移宮十二也

三年

四年春夏秋冬八月沙門靈雲僧旻至自唐冬

四年八月唐使高表仁來留學雲旻二十師

從之歸

五年

六年春三月起豐浦寺塔夏秋冬

六年

七年八年

九年春二月木星流聲如雷夏秋冬

九年二月太星從東流西其聲如雷朝無知者沙門僧旻曰此星曰天狗東方恐有

亂乎果蝦夷叛

十年

十有一年春夏秋七月新百濟大寺九月沙

門慧隱慧雲至自唐冬

十一年正月造宮于十市郡百濟河側又相勝攸移熊凝精舍改後其規禮也其地在百濟河側故曰百濟規模高宏故曰大寺分郡民爲二河西民充造宮東民寺納邑三百戶田三千畝于寺春秋法修舊不書曷爲書大之也故書曰新又廢帝之蹈上宮言故書是時宮寺並營材不足乃伐神林子部大神怒火寺帝滅膳九月新羅

人送留唐隱雲二人而歸

十有二年春夏五月辛丑釋慧隱講于宮中

秋冬十月沙門清安至自唐

十二年五月初五宮中設齋會宣慧隱講無量壽經曷爲書曰宮講始也隱師何書姓貴也曷爲貴始應宮講也十月新羅使來留唐清安從之歸

十有三年春夏秋冬十月丁酉天皇崩謚哿

明

十三年十月之崩初九也

皇極皇帝

元年春正月辛未天皇即位夏四月秋七月法雪于諸寺九月修百濟大寺冬十有二月壬寅遷于小塋田宮

元年壬寅正月十五帝即位帝敏達之曾孫茅渟王之女舒明之后也夏不雨七月村村殺牛馬祭諸神僕射蘇入鹿奏曰詔諸寺讀佛經必得雨庚辰宣諸大寺嚴像

設命衆苾芻讀木雲經蘇公手執香爐行  
香辛已微雨九月百濟之修舒明十一年  
神火至此復營春秋不書修今書之者褒  
也曷爲褒卽位之初克復先業非厚我然  
乎十二月移宮二十一也是年當貞觀十  
六年也

二年 三年

四年春夏六月庚戌天皇禪位于皇太子後  
謚皇極僧旻爲博士秋八月置十師冬十有

二月癸卯遷都于攝州難波豐磯

四年六月十四帝禪位太子太子辟太兄  
王子王子曰已奉聖旨何讓之有臣素志  
蘿染辭已解佩刀投地卽往法興寺除鬚  
髮太子不得已踐位以沙門僧旻爲才加  
太學博士旻已乖本法故書去氏族梁齊  
以來加官爵于我者多矣何責旻之深梁  
齊以來諸師不得逃我誅矣八月延諸沙  
門宮中詔曰欽明聖皇廟圖之十三百濟

道惠當作  
道登

藩王初貢佛法是時羣臣不輯龍戲毀吻  
唯蘇稻目能嚮真乘敏達以降世事崇奉  
朕新登太寶思興正教故以沙門伯大福  
亮慧雲常安靈雲慧至僧旻道慧隣登慧  
妙爲十師此十師等宜弘傳釋教教令衆  
僧又慧妙法師充百濟寺主凡諸寺之怠  
修廢者有司與寺主檢校助營又以三輪  
色夫君爲法頭巡行諸寺與其寺主勘計  
寺產給其窶缺十二月遷都初九也

元亨釋書卷第二十

元亨釋書卷第二十一

濟北沙門 師鍊 撰

資治表二

起孝德至元  
明合七君

孝德皇帝

元年春正月建元大化夏四月秋七月冬十

月

元年丙午正月不書即位去歲六月于難  
波宮也帝皇極之弟舊史繫元於乙巳曷

爲今立丙午春秋之法一年不二君踰年即位踰年立元法于春秋也舊史去七月書建元今改正月蓋春秋之意也此歲當

貞觀二十年也

二年

三年春二月遣求法沙門于三韓夏秋冬

三年二月求法比丘入于三韓曷爲不入唐而入三韓三韓者我藩也

四年春蘇公建山田寺三月誅宰臣蘇氏夏

秋冬

四年三月僕射蘇麻呂遭讒居百川宅官使帥師圍宅蘇公有季子二人爲比丘於是乎將二比丘走先是使長子興志營山田寺聞父事馳迎塗興志曰家屬可用乞拒官軍蘇公語山田寺衆及興志曰夫爲人臣者母構逆於君我奚捍官師乎且令汝創此寺者不爲門閥祝天祚也今我見讚及于此也古賢皆爾也我何恨焉我不

失愚忠于地下而已矣然來此者以死盟  
佛也言已入殿誓曰願我來世不寓債於  
君也誓已自經而死妻子自殉者八人蘇  
公雖遭讒不失忠故書曰宰臣而受官誅  
故書氏

五年春二月甲申改元白雉夏六月仙人法  
道入宮秋冬十月繡丈六佛像造一千佛像  
五年二月長州穴戶獻白雉宣問百濟君  
對曰後漢明帝永平十一年或獻白雉今

當聖代瑞禽出焉爲吉徵耳又問諸沙門  
僧旻法師奏曰是休祥也伏聞王者德流  
四表則白雉見又王者祭祀不相踰宴食  
衣服有節則白雉至又周成王時越裳氏  
獻白雉曰國之黃耆等曰無暴風淫雨沴  
海不波溢者三年於茲矣意中國有聖人  
乎盍往朝乎故重三譯而至又晉武帝咸  
寧元年白雉見松滋是等瑞應多載簡冊  
自非陛下仁聖何及於此乞放于禁苑亦

赦天下。因此十五改元。六月法道之事在本傳。十月創丈六繡像及八部等四十六像。又詔漢山口真大口刻千佛像。

六年春三月慶繡像。夏秋冬十有二月二千

沙門轉大藏于宮中夜然七十七二千燈。

六年三月皇祖母延十師設齋慶繡像。十二月二十日讀經及燃燈者依法道之化也。七年春夏四月釋慧隱慧資講論宮中秋冬十有二月大集僧尼于宮中齋。

七年四月詔慧隱於宮中講無量壽經。命慧資爲問難。一千沙門豫聽。十二月普會天下僧尼于宮中設齋。此夕燒燈依法道化也。

八年春夏五月沙門道昭定慧等赴唐。天皇幸沙門僧旻。旁六月賻僧旻。秋冬

八年五月遣唐大使小山長舟發于京求法。沙門道嚴道通道先慧施覺勝辨正慧照僧忽知聰道昭定慧安達道觀等從之。

副使小乙上掃守連沙門之從者道福義  
向也是法師病帝幸旁問之口敕恩命六  
月是師卒帝嗟悼遣中使弟之弁賜聘皇  
祖母皇太子弔法師喪

九年春夏秋冬十月壬子天皇崩謚孝德  
九年十月之崩初十也

齊明皇帝

元年春正月甲戌天皇復位夏四月秋七月  
冬十月建川原寺

元年乙卯正月初三皇極帝復位于板蓋  
宮冬遷飛鳥川原宮故營川原寺是歲當  
高宗永徽六年也

二年春夏秋冬比丘尼法明誦維摩詰經  
二年内臣鎌子連疾帝憂之百濟尼法明  
奏曰維摩詰經因問疾說大法乞試誦之  
敕明誦未終卷疾愈鎌子感伏帝大悅  
三年春夏秋冬設盂蘭盆會作須彌山于  
飛鳥寺西冬十月內臣鎌子建山階寺修維

摩會

三年十月鎌子於山州陶原家創山階精舍設維摩齋會維摩會自此始

四年春夏秋七月沙門智通智達赴唐冬沙門福亮講維摩經于陶原家

四年七月通達二師奉駁乘新羅舶入唐受相宗於玄奘三藏是歲吳僧元興寺福亮赴鎌子請於陶原家講維摩經爾來鎌子延海內碩德相次講演凡十二年

五年春三月造須彌山于其擣丘東夏秋七月講孟蘭盆經于諸寺冬

五年七月詔群臣於都下諸寺勸講孟蘭盆經報七世父母

六年春三月講仁王護國經于宮中夏五月設仁王會秋冬

六年五月造百座百袈裟賜一百沙門設

仁王會

七年春夏五月癸卯遷都于築紫朝金秋七

月丁巳天皇崩謚齊明冬

七年五月初九都<sup>ス</sup>葬紫之朝倉造宮于廣庭七月之崩二十四也

天智皇帝

元年春三月救高麗夏四月秋七月冬十月  
元年壬戌正月不書即位素服稱制也帝  
舒明第二子自棄反在長津宮三月唐人  
新羅人伐高麗高麗乞救于我四月鼠產  
于宮馬尾沙門道顯曰高麗屬我乎果然

君子曰博乎顯也學涉于藝術也是歲當  
龍朔二年也

二年 三年

四年春三月度三百三十人夏秋冬

四年二月聞人太后崩三月三百三十之  
度薦<sub>合</sub>后也

五年春夏秋冬唐沙門智由獻指南車

五年

六年春三月己卯遷都于近州志賀夏秋冬

六年三月十九自和州遷近州志賀大津

宮

七年春正月戊子天皇即位建建福寺夏秋  
冬營殿于百濟大寺天女降殿新羅道行擬  
草薙劍

七年正月初三帝即位曷爲緩孝也帝創  
建福寺于志賀都當平基趾得寶鐸長五  
尺五寸又得白石長五寸夜有光帝嘉竒  
瑞斬左手無名指納殿前燈幢石壇中是

歲新百濟寺又營別殿安丈六釋迦像莊  
飾極人土帝一宵持誦像前謂左右曰朕  
以淨信嚴像設弗知真容肖不五更二天  
女降容兒端麗衣服光耀香氣甚烈禮像  
了白帝曰我昔靈山親觀真儀今見此像  
毫無差違此土王臣可謂清信言已飄然  
入雲帝大悅慶讚曰紫雲下覆天樂遙鳴  
昔素麥鳴尊謫雲州有老公姬中坐少女  
而泣女甚美素尊問何爲哭對曰我有八

蛇

兒其七已爲蛇吞今此一女又無由脫故哭素尊曰與女於我可解此愁父母喜曰諾素尊問曰其蛇何形對曰八首八尾甚可怖也素尊乃設八槽盛以醞酒裝女置

山頂其影沈八槽大蛇見之以爲真女便矯八頭飲八槽已而醉醉不寤素尊拔所佩十握劍斬蛇至千尾刃少缺割而見之有寶劍素尊奉劍於天照太神太神曰我屏天巖時落此劍于近州伊布貴山是我

神劍也太神命其孫瓊杵尊降此國付三神器爲國鎮劍其一也累世爲國寶至崇神皇帝恐劍靈威召良冶模打獻舊劍于伊勢太神宮新劍留王宮景行之世東夷叛帝以皇子日本武尊爲元帥征夷武尊承詔東征先詣伊勢太神宮太神賜此劍赴東武尊佩劍至駿州浮嶋原諸夷謀曰皇子雄略勇健非我等所同當設奇計乃白言皇子神威夷族不敢拒命此蛇宜游

猶皇子虞遊可乎武尊諾已而東賊縱火于時初冬窮野枯草煙焰迅飛武尊拔劍揮之四旁一里草木芟夷其火自止初弛帶此劍其尾常有雲氣故曰天叢雲劍至此名草蘿劍武尊自東歸還劍於勢宮其後以劍藏尾州熟田神祠新羅沙門道行聞劍靈欲之乃入神祠持誦一百日竊取劍裹僧伽梨携至築紫赴本邦忽海風暴起波怒船簸不得去凡行取劍三面皆不得始持誦七日取劍而出俄黑雲一帶自空下奪劍送到神祠行益欽劍靈又持誦五十日取劍至近州蒲生郡黑雲下奪如先至此持念百日遠至築紫而遂不得曷爲不族道行盜也旣是盜曷爲不曰盜沙門也擬何不得之謂也

八年春夏秋冬十月大織冠藤鎌足薨

八年十月太織冠病革先薨數日剃髮帝賜黃金香爐曰已聞出家可持法具薨後

詔百僚赴喪事

九年

十年春夏秋冬十月慶一百佛像于宮中獻法衣金鉢香財于法興寺像太子薙髮入吉野山十有一月沙門道曼至自唐十有二月乙丑天皇崩謚天智

十年十月帝不豫刻百佛像慶讚宮中又以袈裟金鉢象牙沈水旃檀香及諸珍寶供法興寺佛像帝病篤詔太子大海曰朕

病彌留汝其登皇位對曰臣元多病難任社稷請禪位于太后令大友太師攝政臣願爲陛下出家修道便薙髮于宮中爲沙門遂入吉野山公卿百僚皆送焉十一月唐使郭努悰來道曼從之歸十二月之崩初三也

天武皇帝

元年春正月夏四月秋七月冬十月

元年壬申帝在吉野宮大友皇子令以營

山陵聚兵謀帝因茲帝幸勢州發師相拒  
七月戰近州瀕田大友軍敗自縊九月帝  
移和州岡本宮今茲亂離無遷都儀帝不  
智之弟是歲當咸亨三年也

二年春二月癸未天皇即位沙門智藏爲僧  
正夏秋冬十有二月紀訶多爲造寺司

二年二月二十七帝即位敕於川原寺寫

大藏經沙門智藏督役故任僧正十二月

小錦紀訶多爲造高市大官寺司時知事

福林告老解職不聽焉戊申以義成爲僧  
都加佐官二比丘有四佐官自此始不書  
微也此歲慧師慧輪智圓皆爲僧正不書  
古史失時日也

三年

四年春三月沙門智通爲僧正夏四月設齋  
會于宮中秋冬十月求大藏經

四年四月宮中設齋會延僧尼二千四百  
人十月遣使於四方求一切經文曷爲求

是時大藏未備也王者無求曷爲書求彼俗也以俗而言善此真也以真而求益善五年春夏秋冬十有一月講取勝仁王二經于諸州

五年夏旱詔僧尼法事尋常書旱不書旱曷爲書旱不書旱不應也不書旱而書旱令君子思焉

六年春夏秋八月轉大藏于飛鳥寺天皇幸之大度入冬

六年八月設齋會于飛鳥寺讀大藏帝幸南門禮佛詔諸王公卿各賜度者丁人因此貴族之中薙髮之者多矣

七年

八年春三月施僧尼夏四月定官寺秋冬十月定僧尼服色駕從聽僧尼老病鑿窩

八年三月施綿帛於僧尼加減有差揀貧乏也四月檢校諸寺封食而置官寺十月詔曰凡諸僧尼常住寺院勤于修練然老

病之者不便看養。自今以降，許就親知，萬信之宅，鑒育。

九年春夏四月禁ス小寺官治フ五月講金光明經于宮中秋七月使皇子弔沙門弘聰喪冬十月施僧尼十有一月建藥師寺后病愈使皇子問沙門慧妙疾又弔之度一百人天皇疾恙

九年四月禁ス小寺官治フ止繫掠也而大寺之係官如飛鳥寺不在此列也故書曰カ小

寺蓋有司或因保官寺連掠スル小寺也五月施布帛京內二十四寺讀金光明經于宮中設講席七月祭已飛鳥寺弘聰卒セ使大臣高市二皇子弔之十月施京寺僧尼惠貧之也及京師百姓耆老等各有恙十一月皇后病創藥師寺度一百人祈疾而愈初有司不委寺規沙門祚蓮入定見龍宮出圖而奏余後持統文武二十帝繼營壯麗妙絕丁亥沙門慧妙疾使草壁皇子問之

戊子卒，使三皇子弔之

十年春夏秋七月皇后設齋會冬

十年閏七月皇后於京內諸寺設齋講經  
閏在于七而畫正者春秋之法也

十有一年春夏秋八月度一百四十人冬

十一年八月高公主病度百四十人于大

官寺祈愈

十二年春夏四月宮中異處居僧尼度三十  
人秋八月詔釋道寧法事冬新大官大寺

十二年詔僧尼居宮中擇淨信者三十人  
出家八月旱百濟道寧法事得雨祈而有  
應故書姓尊之也是歲遷百濟寺于高市  
郡改曰大官大寺今之大安寺也

十有三年春夏四月設齋于宮中福揚下獄  
秋冬天皇不豫皇太子祈大官寺愈

十三年四月飛鳥寺沙門福揚下獄庚戌  
自刎而死冬帝病太子草壁奉勑率百僚  
詣太官太寺誓曰皇帝欲開會於寺而營

攝末畢聖體不豫伏丐大悲世尊延睿等  
成寺會帝感靈夢病痊

十有四年春三月許天下民宅構佛宇夏四  
月宮中異處安若僧尼五月天皇幸飛鳥寺  
沙門觀常雲觀至自新羅秋八月天皇幸淨  
土寺于川原寺九月轉佛經于三大寺冬十  
月沙門常輝賜封戶講金剛般若經于宮中  
十有二月施綿帛于大官寺

十四年三月詔諸州家構佛舍安像經供

養崇奉四月宮中安居自此始五月幸飛  
鳥寺獻珍寶禮佛辛未新羅留學常觀二  
比丘從國使歸八月幸川原寺施稻於衆  
僧九月帝疾於大官川原飛鳥三寺三日  
轉經賜稻于三寺祈病也十月百濟沙門  
常輝年一百歲受封三十戶養老也

十有五年春正月俗供供九沙門夏五月納  
封戶于大官寺講藥師經于川原寺沙門安  
居宮中修廢寺六月伊勢王入飛鳥寺燈齋

于川原寺沙門法忍義照賜封戶秋七月延  
沙門懺悔轉金光明經于宮中戊午改元朱  
鳥九月丙午天皇崩謚天武冬十月放行心  
于飛州十有二月設無遮會于五寺

十五年正月召三綱及大官寺知事佐官  
并九比丘以俗供供之施布帛各有毫非  
禮也君子曰以鳥養鳥古之鑒乎三月羽  
田真人病度三僧祈病不書微也五月帝  
病於川原寺講藥師經又召沙門安居宮

中文詔修諸寺廢大赦天下囹圄已空皆  
祈疾也六月使伊勢王詣飛鳥寺告衆祈  
疾此日三綱律師及四方和尚知事覗師  
位等各賜御衣被祈病也忍照二比丘賜  
封戶各三十養老也七月召僧正僧都赴  
宮爲帝悔過一百比丘讀金光明經于宮  
中祈病也和州獻赤雉因茲改元九月之  
崩初九也十月大津皇子反新羅沙門行  
心參謀事覺不忍加誅比丘竄于飛驒伽

藍十二月設無遮會于太宮飛鳥川原小  
墾田坂田五寺薦大行皇帝也

持統皇帝

元年春正月夏四月秋八月施伽梨于三百  
沙門九月設國忌齋于京師諸寺沙門智隆  
至自新羅冬十月

元年丁亥正月不書即位攝也帝天智第  
二女天武之后居右位稱制在藤原城八

月以先皇御衣製三百袈裟施三百沙門

智隆之歸附使也是歲當武后垂拱三年  
也

二年春正月設無遮會于藥師寺二月乙巳  
置國忌齋夏秋七月釋道藏法事冬新羅王  
子金霜林獻佛像及珍寶

二年二月詔曰每逢國忌設齋立爲式七  
月詔百濟道藏祈雨不崇朝雨天下故書  
以氏是歲新羅金霜林獻佛像書以王子  
貴之也

三年春正月蝦夷鐵折爲沙門賜蝦夷沙門道信于佛像夏四月還新羅獻像沙門明聰觀智至自新羅六月賜明聰觀智于布帛秋七月賜蝦夷沙門自得于新羅像八月置放生所冬

三年正月蝦夷鐵折等奏乞爲沙門許之書名貴之也春秋之法不名爲貴蝦夷曷爲書名爲貴公卿有官氏書名爲賤蝦夷無官書名爲貴壬戌賜佛像鉢幡保惠也

四月新羅王弔先皇喪獻彌陀觀音勢至三銅像及珍物於是召新羅使責其緩而違禮也乃以獻物還之新羅使大懼求法聰智等從新羅使而歸新羅使乞救於聰智二比丘奏怒六月詔大宰府賜布帛于二比丘而勞新羅使君子曰有威有恩有禮乎因此留新羅獻物適蝦夷自得奏乞新羅像詔而賜之八月置放生所三攝州武庫海一千步紀州耆野賀州泉野各二

萬頃順佛化也

四年春正月戊寅天皇即位二月新羅沙門詮吉來夏五月庚寅置安居講于宮中秋七月賜施布帛于安居沙門八月沙門智宗義德淨願至自唐冬

四年帝右位稱制謙不即真羣臣固請正月一日即位百僚賀拜七月施七寺安居比丘都計三千三百六十三人又施三寺安居沙門三百二十九人薦皇太子也賜

施何二事也何如二賜賞也施薦也曷爲不別書安居同八月留唐三沙門從新羅使而歸

五年春二月諭百僚奉佛夏六月轉經于京畿諸寺冬秋

五年二月詔曰朕思先皇時公卿百僚各營佛宇亦月修六齋故先皇時時遣使慰問近來不知不替乎朕之不詢甚愧于衷而又曷不聞乎自今卿等願令朕世如先

代六月詔曰茲夏靈恐傷稼朕女主教不明故及於此也將又卿等号令之邁乎朕夕惕乾乾思補厥愆卿等庶省宴樂酒肉有意於此乎其宣京寺沙門諷讀五日裨朕不逮焉

六年春二月法藏道基受銀夏五月講金光明經于京畿觀成受綿帛傳佛教于大隅阿多秋冬

六年三月三帝幸伊勢神宮預令百僚嚴

行裝沙門法藏道基以才爲陰陽博士故賜銀備貲仕官非法也故不書族莊服非法也故書受觀成之受帛造鉛粉也工作非法也除簇書受西州大隅極西僻區民未聞真化詔大宰府帥河內王遣沙門像經傳唱佛法

七年春正月賜沙門法鏡田三月賜沙門辯通神睿布帛夏五月設無遮會于宮中秋九月設無遮會于宮中冠福喜冬十月己卯置

仁王寂勝講于宮中十有一月沙門法貞等  
嘗醴泉

七年三月通睿二比丘赴新羅詔賜布帛  
九月無遮會薦先皇池高麗沙門福喜以  
才詔反俗十月宮中仁王寂勝等經講立  
爲式十一月近州益須郡醴泉出刺史奏  
之敕法貞善往真義等試嘗

八年春夏四月賄沙門道光五月頒金光明  
經于天下秋八月度一百人冬

八年四月沙門道光卒詔賜錢帛供喪事  
五月以金光明經一百部頒諸州每年正  
月上絃轉之祝聖各當州租充僧齋八月  
百歲薦飛鳥公主也

九年

十年春夏秋冬十有一月沙門辦通賜封戶  
十年十一月通師之封四十戶也

十有一年春三月設無遮會于春宮夏六月  
法事于京畿諸寺遣官僚掃京寺百僚造佛

像秋七月設佛眼會于藥師寺八月乙丑天皇禪位于皇太子後謚持統冬

十一年六月遣官僚五品以上掃灑京寺見崇敬也帝不豫百官刻佛像祈焉七月像成於藥師寺設開眼會八月之讓位初一也

### 文武皇帝

元年春三月沙門慧施爲僧正善往爲律師夏四月秋七月冬十月藥師寺成十有一月

### 沙門道眼爲大僧都

元年戊戌正月不書即位去歲八月初上于藤原宮也帝天武之孫草壁太子第一子母元明帝也舊史丁酉紀元今立戊戌者孝德之例也律師何僧官也往始任雖微書十月藥師寺落成詔諸沙門居大僧都自眼始故書凡始者雖微書是歲當聖

曆元年也

二年春夏五月竄役小角于伊豆嶋六月起

塔于大官寺度五百人懸鏡慶佛秋冬

二年五月役君賈豆嶠朝散大夫韓國連  
師事小角已而嫉其能讙以妖惑故有此  
配謫臣曷爲書姓不罪也初天智帝誓造  
丈六佛像而崩帝欲成先志而不得良工  
一日幸大官寺舍掌誓曰安得良匠模刻  
聖容其夜帝夢一沙彌白言往歲造此像  
者化人也不可重來又夫良工猶有雕刻  
之誤名畫不免丹青之訛不如以木鏡懸

佛前拜其映像像者非圖非刻三身自具  
何者見其形者應身之體也窺其影者報  
身之相也觀其空者法身之理也功德勝  
利莫大焉帝覺後知如來之感現即懸大  
鏡于佛前作禮延五百沙門設供養

三年春三月弔沙門道昭夏秋冬冠通德慧

俊

三年三月道昭法師寂帝嗟悼遣中使弔  
慰是歲敕德俊二比丘反俗以其才任朝

事也乃度丁人貸之

四年春正月赦役小角一月沙門道慈赴唐  
三月甲午改元大寶夏秋八月冠慧耀冬  
大寶元年三月對州貢金因茲改元是歲  
慧耀信成反俗才任也度者貸之

五年春正月沙門智淵爲僧正夏秋冬十有  
二月度丁百人

大寶二年十二月百度祈持統上皇病也  
六年春二月設齋于三十三寺三月沙門義

淵爲僧正夏秋冬十月冠隆觀沙門智鳳赴  
唐

大寶三年春太上皇七七忌設齋于四天  
王山田等三十三寺沙門隆觀博涉藝術  
尤善算曆十月勑反俗是歲沙門智鳳入

唐

七年春五月甲午改元慶雲秋冬

慶雲元年五月祥雲見西樓上初十因此

改元

八年春夏四月轉金光明經于五大寺。秋冬慶雲二年四月詔曰朕以菲薄之躬託于王公之上不能德感上天仁及黎庶遂令陰陽錯謬水旱失時年穀不登民多菜色每念於此惻怛於心宜令五大寺讀經救民焉

九年春夏秋冬十月右僕射藤公屈沙門智鳳爲維摩講師

慶雲三年十月僕射不比等修維摩會

七日始初十至十六蓋十六者大織冠講故充散日

十年春夏五月沙門義法義基聰集慈定淨達至自新羅六月辛巳天皇崩謚文武秋冬慶雲四年五月五師之歸從國使也六月之崩十五也

元明皇帝

元年春正月乙巳改元和銅夏四月秋七月冬十月定轉大般若經

和銅元年戊申正月不書即位去歲七月十七也帝天智第四女武州秩父郡始貢銅因茲十一改元十月詔曰自今年每歲延沙門轉大般若經其齋噉左右藏給之定何式也是歲當中宗景龍二年也

二年春二月詔大宰府檢構觀世音寺夏秋冬十月右僕射藤公修維摩會

和銅二年二月詔曰築紫觀世音寺者淡海大津宮天皇薦後岡本宮天皇所創也

累世不竟朕痛耽焉大宰府加檢校速修營十月藤公不比等屈淨達法師於植楓淨場修維摩會禮也此會中微藤公更修貴之而書

三年春三月辛酉遷都于和州平城右僕射藤公建興福寺夏秋冬移大官木寺于平城和銅三年三月從難波遷都奈良藤公不比等營興福寺木殿禮也其像者大織冠誅蘇入鹿時所鑄刻之丈六釋迦及二菩

薩像也

四年 和銅四年

五年春夏秋冬十月修維摩會于興福寺  
和銅五年十月於興福寺修維摩會先或  
陶原殖櫛數所及興福之建移焉

六年春夏四月作諸寺田記秋冬

和銅六年四月敕作諸寺田記二通一藏  
有司一頒諸寺

七年春二月冠義法夏秋冬

和銅七年二月敕沙門義法反俗授朝散  
大夫用占術也

八年春夏秋九月庚辰天皇禪位于皇太子  
後謚元明冬

和銅八年九月之禪位初三也

元亨釋書卷第二十一

31226

